



Directivas per l'inspecturat da scola

Sin fundament da l'art. 72 al. 2 da l'Ordinaziun tar la lescha da scola (Ordinaziun da scola, DG 421.010),
relaschadas da l'Uffizi per la scola populara ed il sport ils 31 d'october 2014 (versiun dal 1. d'october 2024)

Art. 1

¹ Questas directivas reglan l'organisaziun, las obligaziuns e las incumbensas da l'inspecturat da scola.

Intent,
champ d'applicaziun

² Resguardond las regions linguisticas vegn il territori chantunal dividi en districts d'inspecturat.

Art. 2

¹ L'inspecturat da scola è ina partiziun da l'Uffizi per la scola populara ed il sport.

Organisaziun

² La partiziun sa cumpona da la direcziun da la partiziun, da 5 direcziuns districtualas, da las inspecturas e dals inspecturs da scola sco er da mintgamai in secretariat districtual.

³ Las cumpetenzas ed ils andaments sin plaun districtual vegnan definids en in statut d'organisaziun.

Art. 3

¹ L'inspecturat da scola surveglia las scolas publicas e privatas, las scolas en alloschis collectivs sco er l'instrucziun privata, dentant betg las instituziuns da la scola speziala.

² El è responsabel per controllar e per garantir la qualidad en las singulas scolas popularas.

³ El elavura dumondas generalas che pertutgan la scola.

⁴ El cusseglia las personas d'instrucziun, las direcziuns da scola e las autoritads da scola.

Art. 4

¹ L'inspecturat da scola controlla, sche las instituziuns responsablas per la scola realiseschan ed observan las prescripziuns chantunalas ed ils standards da qualidad. Latiers tutgan en spezial:

Incumbensas

- a) organiser ils giudicaments d'admissiun sin basa d'ina protesta;
- b) elavurar recurs en cas d'ina nunpromozion;
- c) verifitgar las premissas per survegnir contribuziuns per las direcziuns da scola;
- d) controllar la renconuschientscha da purschidas d'assistenza da las ulteriuras structures dal di;

- e) elavurar dumondas da congedi da passa 15 dis resp. dispensaziuns;
- f) permetter regulaziuns spezialas da l'urari per vischnancas al cunfin linguistic;
- g) elavurar dumondas per la dispensaziun da roms;
- h) adattar las grondezzas maximalas da las partiziuns;
- i) exequir midadas d'ina classa a l'autra en il sector da las scolas privatas;
- j) elavurar las dumondas per la permissiun da dar scola;
- k) elavurar dumondas da permissiun per manar partiziuns maschadadas;
- l) elavurar dumondas per la permissiun da scolas privatas;
- m) elavurar dumondas per la permissiun d'instrucziun privata;
- n) elavurar dumondas per manar partiziuns e classas sur- resp. sutdotadas.

² L'inspecturat da scola fa periodicamain evaluaziuns en las scolas popularas. En quest connex vegn applitgada tant en las scolas publicas sco er en las instituziuns da la scola speziala ina procedura standardisada per il Grischun.

³ L'inspecturat da scola cusseglia persunas d'instrucziun, persunas responsablas per l'educaziun, direcziuns da scola ed autoritads da scola communalas en dumondas da l'instrucziun, da la planisaziun da scola, da la furmaziun supplementara e dal management da conflicts. Latiers tutgan particularmain la direcziun e la coordinaziun da l'assistenza chantunala per persunas che cumenzan a dar scola.

⁴L'inspecturat da scola infurmescha las autoritads da scola e las direcziuns da las scolas en furma d'occurrenzas d'infurmaziun e da barat en las regiuns linguisticas.

Art. 5

Resguardond las regiuns linguisticas vegn il territori chantunal dividì en 5 districts d'inspecturat:

Divisiun

1. Il district Plessur-Grischun central cun il center districtual a Tusaun cumpiglia las regiuns Plessur, Alvra, Viamala sco er las vischnancas da Panaduz e da Razén.
2. Il district Val dal Rain-Partenz-Tavau cun il center districtual a Landquart e cun il post extern a Tavau cumpiglia las regiuns Plaun (senza Panaduz e Razén); Landquart sco er Partenz/Tavau.
3. Il district Surselva cun il center districtual a Glion e cun il post extern a Mustér cumpiglia la regiun Surselva.
4. Il district Engiadina-Val Müstair-Samignun cun il center districtual a Zernez e cun ils posts externs a Scuol ed a Samedan cumpiglia las regiuns Engiadina Bassa/Val Müstair e Malögia (senza la vischnanca da Bregaglia).
5. Il district Grigioni Italiano cun il center districtual a Roveredo e cun il post extern a Poschiavo cumpiglia las regiuns Moesa, Bernina sco er la vischnanca da Bregaglia.

Art. 6

Questas directives entran en vigur il 1. da november 2014.

Entrada en vigur

Tabella da las modificaziuns

Conclus	Entrada en vigur	Element	Midada
USS / DU nr. 66 dals 12-07-2024	1. d'avust 2024	Art. 1 Art. 3 Art. 4 al. 1 lit. d, e, g Art. 4 al. 1 lit. j Art. 4 al. 4 Art. 5 cifras 2 e 4	midà aboli midà integrà midà midà
USS / DU nr. 511 dals 20-09-2024	1. d'october 2024	Art. 3 Art. 4 al. 1 lit. h Art. 4 al. 1 lit. k, l, m, n Art. 4 al. 2 e 3 Art. 5 cifras 2 e 4	integrà midà integrà midà midà